

АКАФИСТЫ

АКАФИСТЫ

НА КАЖДЫЙ ДЕНЬ СЕДМИЦЫ



Москва

УДК 271.2-5
ББК 86.372
А38

Рекомендовано к публикации Издательским советом
Русской Православной Церкви
Номер ИС Р26-608-0252

А38 **Акафисты** на каждый день седмицы. — Москва :
Эксмо, 2026. — 256 с. — (Православие. Акафисты).

ISBN 978-5-04-241258-5

Сборник «Акафисты на каждый день седмицы» составлен согласно православной традиции посвящения каждого дня недели особым священным событиям и святым угодникам Божиим. Книга станет надёжным помощником в ежедневной молитвенной жизни, поможет упорядочить домашнее молитвенное правило и укрепит духовную связь с Церковью и Богом.

УДК 271.2-5
ББК 86.372

ISBN 978-5-04-241258-5

© Оформление. ООО
«Издательство «Эксмо», 2026

Оглавление

ВОСКРЕСЕНЬЕ

Акафист Воскресению Христову..... 9

ПОНЕДЕЛЬНИК

Акафист Архангелу Божию Михаилу 25

Акафист святому Ангелу-Хранителю..... 40

ВТОРНИК

Акафист святому славному Пророку, Предтече
и Крестителю Господню Иоанну..... 63

СРЕДА

Акафист Иисусу Сладчайшему..... 83

Акафист Пресвятой Богородице
(*Великий акафист, читаемый в субботу Акафиста*) 96

ЧЕТВЕРГ

Акафист святителю Николаю Чудотворцу..... 111

Акафист святому апостолу Андрею Первозванному..... 126

Акафист святому апостолу Фоме 142

Оглавление

Акафист святому апостолу и евангелисту Иоанну Богослову	154
--	-----

ПЯТНИЦА

Акафист Божественным Страстям Христовым (Пассия)	173
Акафист Честному и Животворящему Кресту Господню	188

СУББОТА

Акафист Всем святым, в земле Русской просиявшим.....	203
Акафист новомученикам и исповедникам Церкви Русской.....	221
Акафист святым царственным страстотерпцам.....	237

ВОСКРЕСЕНЬЕ

Акафист Воскресению Христову

Кондак 1

Возбранный Воеводо и Господи, вечныя смерти победителю, яко избавлься от духовнаго умерщвления, похвальная восписую Ти, возсозданный Тобою, раб Твой. Ты же, яко имеяй победу над смертию, от смерти греховныя свободи нас, зовущих:

Иисусе воскресший, воскреси души наша.

Икос 1

Ангели воскресение Твое, Христе Спасе, непрестанно поют на небесех, и нас на земли сподоби чистым сердцем воспети Тебе сице:

Иисусе непостижимый, всех верных просвещаяй, просвети и мя заблуждшаго; Иисусе воскресший, всех Собою оживляяй, оживи мя умерщвленнаго грехми.

Иисусе, на небо вознесыйся и возносяй на Тя надеющихся, совознеси и мя долу преклоннаго; Иисусе, сядый одесную Отца и разделяяй славу с любящими Тя, не лиши мя славы Твоея.

Иисусе, хотяй приити судити живым и мертвым, не осуди мя по делом моим, но сотвори со мною по милости Твоей. Иисусе воскресший, воскреси души наша.



Конда́к 2

Видя па́дших челове́ков, Го́споди, Ты́ вочелове́чився
совоскреси́л еси́ все́х и, воскреси́в, дарова́л вся́ потреб-
ная́ ко спасе́нию: си́це и мене́ умерщвле́ннаго грехми́
оживи́, зову́ща: Аллилу́иа.

И́кос 2

Ра́зум не постига́ет та́йны Божество́вныя, ка́ко Исто́чник
жизни́ воскресает, умерщвля́я сме́рть? Сего́ ра́ди, то́чию
се́рдцем испыты́юще ра́дость воскресе́ния и то́ю просве-
ща́еми, со гла́сом весе́лия духо́внаго зыва́ем Ти́ си́це:

Иису́се, входя́й двéрем заклю́ченным, вни́ди в до́м ду́ши
моея́; Иису́се, срéтивый учени́ки на пу́ти, сря́щи и мя́ на
пу́ти се́й жи́зни.

Иису́се, воспламени́вый се́рдца́ их Твои́ми словеса́ми, вос-
пламени́ и моё́ хла́дное се́рдце; Иису́се, да́вший Себе́ по-
знáти в преломле́нии хле́ба, да́ждь ми́ познáти Тя́ в Бо-
же́ственной Евхаристи́и.

Иису́се, обеща́вший Ду́ха Свята́го учени́ком Твои́м, нис-
посли́ и мне́ Сего́ Ду́ха Уте́шителя́ от Отца́; Иису́се вос-
креси́вший, воскреси́ ду́ши на́ша.

Конда́к 3

Си́лою Божество́вную воскреси́вший Ла́заря, воскреси́
и мене́ истле́вшаго страстьми́ и многоле́тно лежа́щаго
во гробе́ нераска́яния, да возста́в по гла́су Твоему́, вос-
пою́ спаса́емый: Аллилу́иа.





Икос 3

Име́яй вла́сть над сме́ртию, из а́да ду́ши воззва́л еси́,
Иису́се. Воззови́ и мене́ из глублины́ грехо́вныя, да и аз,
очи́стив чу́вствия, блиста́ющу Ти во све́те непристу́п-
нем, ра́достно воспою́ победную́ пе́снь та́ко:

Иису́се, сме́рти победи́телю, победи́ моя́ злы́я стра́сти;
Иису́се, жи́зни пода́телю, да́ждь ми́ жи́знь спаси́тельную.
Иису́се, исто́чнице ра́дости, возвесели́ се́рдце мое́ во
и́стине Твое́й; Иису́се, пятию́ хле́бы пята́ ты́сящ насы́-
тивый, хле́бом небе́сным напитай́ мя.

Иису́се, наде́ждо па́дших, изми́ мя из ро́ва зо́л моих.

Иису́се воскресе́ший, воскреси́ ду́ши на́ша.

Конда́к 4

Бу́ря страсте́й смуща́ет и потопля́ет мя, но молю́ Тя
Иису́се, я́ко Петру́, простри́ ми́ ру́ку по́мощи и, си́лою
воскресе́ния Твоего́ воздви́гнув мя, научи́ воспева́ти:
Аллилу́иа.

Икос 4

Слы́шаще ра́достную ве́сть воскресе́ния Твоего́, Иису́се,
небеса́ досто́йно веселя́тся, земля́ же ра́дуется; и мы́
пра́зднующе ве́чное веселие́, держа́ем взыва́ти Тебе́
си́це:

Иису́се, седа́й во све́те непристу́пнем, бу́ди досту́пен
все́м по милосе́рдию Твоему́; Иису́се, любя́й создáния
Твоя́, не забу́ди и мене́ последня́го.





Иисусе, влекий к Себе сердца, смягчи и мое окаянное сердце; Иисусе, вся благая прошения исполняя, исполни и мое прошение, во еже паче всего любить Тя.

Иисусе, всякую каплю слезную приемля, не отрини и моих молений.

Иисусе воскресший, воскреси души наша.

Кондак 5

Богоприятная жизнь источается от Тебе, о Иисусе Сыне Бога живаго! Сего ради молю Тя, да не погубит мя человекоубийца и да не заградит уста моя, вопиющая Тебе: Аллилуиа.

Икос 5

Видевше духом воскресшаго Господа, приидите, пиво пием новое, не от камене истекшее, но от источника нетленного и живоноснаго гроба Спасителя, имже бесплодную землю душ наших одождив, научи всех пети Ему сице:

Иисусе, напаяй нас Своею Кровию, даруй мне неоскудно приимати пречестную Кровь сию; Иисусе, ниспосылаяй дождь на праведных и грешных, ороси и мя к плодоношению духовному.

Иисусе, не возгнушавыйся грешницы покаявшаися, даждь и мне нозе Твои омьити слезами благодарения; Иисусе, рекий Фоме: «блажени не видевшии, но веровавшии», даждь ми веру нелицемерную.





Иисусе, рекый: «ищите и обрящете», даруй ми обрести
Тя единого на потребу.

Иисусе воскресший, воскреси души наша.

Кондак 6

Проповедуяй в душе неумолкающаго радования Твое
живоносное воскресение, Иисусе Боже мой, да буду и аз
грешный причастник сего воскресения, поя Тебе непре-
станно в горнем Иерусалиме: Аллилуиа.

Икос 6

Воссиявый всему миру воскресением Своим Господь
Иисус Христос, ныне вся исполняет света, небо же
и землю и преисподняя; да празднует убо вся тварь
Христово востание, в немже утверждаеми вопием
сице:

Иисусе, вся исполняяй светом Твоим, просвети и мой
омраченныя очи; Иисусе, небо и землю сочетавый, воз-
веди мя от земли на небо.

Иисусе, низшедый светом Божества в преисподняя,
сниди в преисподнюю души моя; Иисусе, изведый
из темниц адовых ожидавшия Тя души, изведи и мя
грешнаго из мрака уныния, яко живот мой аду прибли-
жися.

Иисусе, всем простираяй пречистей рuce Твоей, объими
и мя окаяннаго.

Иисусе воскресший, воскреси души наша.





Конда́к 7

Хотя́й откры́ти си́лу Божества́ Своего́, Госпо́дь покрыва́ется печа́тию Каиа́фы, да не нару́шив о́ныя пред стрегу́щими, победоно́сно воста́нет и научи́т пе́ти: Аллилу́иа.

И́кос 7

Дивно и непостижимо е́сть, ка́ко вчера́ спогребы́йся Тебе́, Христе́, днесь совостаю́ ду́хом, Тебе́ воскресе́шему, и воспева́ю та́ко:

Иисусе́ воскресе́ший, все́м ту́не жи́знь подава́яй, окрили́ ум мо́й, да Тебе́ послéдствует; Иисусе́, освяти́вый зе́млю Твои́ми стопа́ми, освяти́ мы́сль мою́, к Тебе́ вознося́щуюся.

Иисусе́, не возбраня́вый начертáти пречистый о́браз Тво́й, да́ждь и мне́ имéти ви́ну в душе́ мое́й о́браз Твоего́ воскресе́ния; Иисусе́, прия́вый двé лепте́ вдови́цы, приими́ от мене́ пе́снь сию́.

Иисусе́, не осуди́вый блудни́цы, но на пу́ть и́стины наста́вивый ю́, не осуди́ и мои́х нечи́стых у́ст, в песнопéнии Тя́ лобыза́ющих.

Иисусе́ воскресе́ший, воскреси́ ду́ши на́ша.

Конда́к 8

Стра́нно Бо́га вочелове́чшася и воскресе́ша мы́сленно ви́дяще, вся́кое жите́йское отложим по́печение, я́ко да Царя́ все́х поды́мем и воспо́ем Ему́: Аллилу́иа.



*И́кос 8*

Весь был еси любовь к падшим человеком, о Иисусе, и поставил еси на божественней страже богоглаголивого Аввакума, да покажет светоносного Ангела, ясно глаголюща о воскресении Твоём. Темже и мы зовём Тебе сице:

Иисусе, стрегомый воинами, послѣ паки ангела хранителя на стражу души моея, егоже аз отгоняю грехи моими; Иисусе, ослепивый очи стрегущим Тя блистанием Божества, отврати очи мои от суеты и просвети к познанию истины.

Иисусе, вопрошавый апостола Петра, «любиши ли Мя?», даждь мне имети образ любви его; Иисусе, простивый тому апостолу отречение, прости и мне ежечасныя отречения от повелений Твоих.

Иисусе, давший власть вязати и решити, разреши мя от неправд моих.

Иисусе воскресший, воскресѣ души наша.

Конда́к 9

Все естество человеческое Тобою воспріятое прославися воскресением Твоим, Иисусе, и сего ради даруеши телесем нетление. Темже мы, видяще сие знамение в останцех святых, вопием со умилением: Аллилуѳа.

И́кос 9

Ветии богоглаголиви и утренюют духом, сретая Тя исходяща из гроба, и вместо мира приносят Ти песнь яко





Сóлнцу правды и Владыце, с ними же наша молитвы
приими сицевыя:

Иисусе, приемый миро на Тя изливанное, приими и мною
изливанная славословия; Иисусе, Сóлнце истины, про-
свети душу мою.

Иисусе, рыбари соделавый ловцы человеков, улови и мою
злую волю в Твое послушание; Иисусе, из Савла соделавый
первоверховнаго апостола, вразуми и мя заблуждшаго.

Иисусе, молитвами апостола сего и всех святых Твоих,
пощади мя грешнаго.

Иисусе воскресший, воскреси души наша.

Кондак 10

Спасти хотяй род человеческий Иисусе, снизшел еси на
землю и Бог сый восприял еси немощи наша, да и в них
явится сила Твоя, подвизающая пети: Аллилуиа.

Икос 10

Царю воскресший, Иисусе Христе, Спасителю наш! Ты,
снизшедый в преисподняя земли и сокрушивый верей
вечныя, содержащая связанныя души, свободи и мене
от уз греха, взывающа Тебе сиче:

Иисусе, вручивый возлюбленнаго ученика Матери Тво-
ей, вручи и мя спасительному Ея смотрению; Иисусе,
страдания Матере Твоея обративый в радость, даждь
и мне окаянному терпеливо понести крест мой.

Иисусе, давый миру заступницу Матерь Твою, даждь
и мне грешному быти под кровом Ея; Иисусе, младен-





цем не возбранівый прикасáтися к Тебѣ, дáруй мнѣ их незлѡбіе.

Иисúсе, рекій блуднице: «иди, и отселе не согрешáй», даждь мѣ ктому не прогневляти Тя.

Иисúсе воскресший, воскресі дýши нáша.

Кондáк 11

Пѣние умиленное о воскресѣнии Твоём дáруй мнѣ принести Тебѣ, о Спасителю мо́й! И в нём да примет душа́ моя елѣй исцелѣния от душеврѣдных мечтáний, и да поёт вѣну Тебѣ: Аллилу́иа.

И́кос 11

Светопріймно от воскресѣния Твоего́ воспріявше лучи́ благодáти, и чрез нѣх я́ко в зерцáле видяще духо́вно Твое́ живонóсное востáние, поклоня́емся Кресту́ Твоему́ Честно́му, и Святóе Воскресѣние Твое́ поём и сла́вим сѣце:

Иисúсе, преклоні́вый небеса́, приими́ поклонѣние нáше благоутрѡбно; Иисúсе, усну́вый плѡтию я́ко мѣртв, умертвѣ нáша плотскія пѡхоти.

Иисúсе, всего́ Себѣ да́вый на спасѣние челове́ков, даждь и мнѣ всецѣло предáтися Тебѣ; Иисúсе, возше́дый на небеса́ уготовáти мѣсто любящим Тя, всели́ и мя во обители́ Твоѣя́.

Иисúсе, седѣ́й одесну́ю Отца́, деснымъ овцáм сопричтѣ́и мя.

Иисúсе воскресший, воскресі дýши нáша.





Кондак 12

Благода́ть да́ждь и мнѣ, всѣх возлюбивый Иису́се, и приими́ моѣ моле́ние я́ко да́нь прино́симу́ю Тебе́, и отже́ни от ду́ши моея́ вся лука́вая помышле́ния, да неосужде́нно воспою́ Тебе́: Аллилу́иа.

Икос 12

Пою́ще Твое́ всесла́вное воскресе́ние, велича́ем Тя́, о Иису́се Христе́ Бо́же на́ш! И ве́руем, я́ко да́руеши все́м живо́т ве́чный. Того́ ра́ди в се́й нарече́нный и святы́й де́нь, я́ко бра́тия дру́г дру́га объ́имем, ненави́дящим на́с простимъ́ вся воскресе́нием, и еди́ными усты́ и еди́нем се́рдцем возо́пиим Тебе́ та́ко:

Иису́се, благословля́яй благословя́щия Тя́, благослови́ и ны́не поси́льный тру́д мо́й; Иису́се, освяща́яй на Тя́ упова́ющия, освяти́ желáния и намере́ния моя́.

Иису́се, обеща́вый бы́ти с ве́рными до сконча́ния ве́ка, пребу́ди неотлу́чно и со мно́ю грѣшнымъ́; Иису́се, Сло́во Ипостáси Отчей, очисти́ недосто́йное моѣ́ сло́во к Твое́му́ песнопѣ́нию.

Иису́се, Па́сха спаси́тельная, от сме́рти к жи́зни прево́дящая, всели́ мя в черто́г Тво́й, просвети́в одея́ние ду́ши моея́.

Иису́се воскресе́вший, воскреси́ ду́ши на́ша.

Кондак 13

О, Иису́се Христе́, сме́ртию сме́рть попра́вый и су́щим во гробѣ́х живо́т дарова́вый! Приими́ в воню́ благоуха́-





ния духовнаго сие малое моление наше и сущим нам во гробех нерадения даруй живот вечный, да поем Тебе. Аллилуиа.

*Этот кондак читается трижды,
затем икос 1-й и кондак 1-й.*

Икос 1

Ангели воскресение Твое, Христэ Спасе, непрестанно поют на небесех, и нас на земли сподоби чистым сердцем воспети Тебе сице:

Иисусе непостижимый, всех верных просвещаяй, просвети и мя заблудшаго; Иисусе воскресший, всех Собою оживляяй, оживи мя умерщвленнаго грехми.

Иисусе, на небо вознесыйся и возносяй на Тя надеющихся, совознеси и мя долу преклоннаго; Иисусе, седяй одесную Отца и разделяяй славу с любящими Тя, не лишй мя славы Твоея.

Иисусе, хотяй приити судити живым и мертвым, не осуди мя по делом моим, но сотвори со мною по милости Твоей. Иисусе воскресший, воскреси души наша.

Кондак 1

Возбранный Воевода и Господи, вечныя смерти победителю, яко избавлься от духовнаго умерщвления, похвальная восписую Ти, возсозданный Тобою, раб Твой. Ты же, яко имеяй победу над смертию, от смерти греховныя свободи нас, зовущих:

Иисусе воскресший, воскреси души наша.





Молѣтва
ко Гóсподу Иисúсу воскрѣшему

Слава Тебѣ, Гóсподи Иисúсе Христѣ, Бóже мóй, яко пáки сподóбил мя еси недостóйнаго, прешѣдша пóприще святаго поста, поклонѣтися Божѣственнымъ Страстѣмъ Твоимъ и видѣти всерáдостный дѣнь преслáвнаго из грóба Воскресѣния Твоегó, в оныйже свободил еси сýщия во áде от вѣкъ свя́занныя дýши прáведныхъ. То́я Божѣственныя свободы дýха и плóти, дражайший Спасѣтелю мóй, и азъ желáю, да разрешѣши мя, свя́зана сýща многими грехи́, и да сотвориши возсия́ти живонóсному свѣту Воскресѣния Твоегó во мра́чней ду́шѣ моѣй. Ви́жду бо безчи́сленныя щедрóты и неизречѣнное человеколýбие Твое, яко не тóчию от небы́тїя в бы́тїе мя привѣл еси, и о́браза Твоегó подóбием украсѣвъ, всея́ дóльнїя твáри влады́ку поста́вил мя еси, но и посѣм па́дша с высоты́ и врагý порабóтившася, не оста́вил еси, но, искупѣвъ мя безцѣнною Крóвию Твоею, благодáтию крещѣния снабдилъ мя еси, да востекý на пѣрвое достоя́ние. А́з же, окая́нный, запя́т бѣвъ умóмъ плотскѣмъ, обратѣхся вспя́ть и пáки ра́б сотвори́хся грехá и страстѣй, донеле́же е́динъ по еди́ному погубѣхъ вся́ дáры благодáти Твоея́. И ны́не úбо, чтó сотворю́, не вѣм; о́баче помяну́въ глаго́лы пречѣстныхъ úст Твои́х, яко не пришѣл еси́ призвáти прáведники, но грѣшники в покая́ние, и азъ, яко е́динъ от сѣхъ, с вѣрою и смире́ниемъ прихо́жду к живонóсному грóбу Твоемý, не аро́маты и воню́ мѣра нося́й, (на́г бо е́смь и пýстъ благо́гихъ дѣл), но пáче надѣ́жду имы́й обрести́ в нёмъ прощѣ́ние грехóмъ моимъ и обновле́ние нечи́стому жити́ю моемý.

